

Kalaallit Nunaanni eqqartuussisarnermik inatsisip allannguutaa pillugu inatsit

(Kalaallit Nunaanni eqqartuussiveqarfiit nukittunerulersinnissaannik suliniuteqarneq)

UAGUT MARGRETHE AAPPAAT, Guutip saamaanneragut Danmarkip Droninngia, nalunaarpugut:

Inatsit una folketingip akuersissutigimmagu Uagullu Akuersissutigigipput:

§ 1.

Kalaallit Nunaanni eqqartuussisarneq pillugu inatsimmi nr. 305, 30.april 2008-meersumi, inatsisikkut nr. 1388, 23. december 2012-imeersukkut allannguuteqartinneqartumi makku allannguutigittinneqassapput:

1. § 16-imi imm. 4-tut ilanngunneqassaaq:

“Imm. 4. Danskit eqqartuussiviini nalinginnaasuni najukkami eqqartuussisuugallartup saniatigut aalajangersimasumik eqqartuussisoq imaluunniit eqqartuussivimmi fuldmægtigi ivertinneqarsinnaapput.”

2. § 17, imm. 3-mi “ukiut tallimat” imaalillugu allanngortinneqassaaq: “ukiut arfineq pingasut”.

3. § 18, imm. 2-mi “ukiut marluk” imaalillugu allanngortinneqassaaq: “ukiut tallimat”.

4. § 20, imm. 3-mi “imm. 4 aamma 5” imaallugu allanngortinneqassaaq: “imm. 4-6”.

5. § 20-mi imm. 5 kingorna imm. nutaatut ilanngunneqassaaq:

“Imm. 6. Eqqartuussisumut ikiortit immikkut pisoqartillugu eqqartuussinermik ingerlatsisussatut ivertinneqarsinnaapput.”

Kingorna imm. 6 aamma 7 imaalissapput imm. 7 aamma 8.

6. § 20, imm. 6, oqaaseqatigiit pingajuat, imm. 7, oqaaseqatigiit pingajunngortumi “ukiut pingasut” imaalillugu allanngortinneqassaaq: “ukiut arfinillit”

7. § 55 imatut oqaasertaqartinneqassaaq:

“§ 55. Pinerluttuliornerit pillugit suliat najukkani eqqartuussivinni suliareqqaarneqartassapput, tak. § 54, nr. 2, pigisanik agguaassinermik suliat, tak. 54, nr. 3, namminersorsinnaasusiiianerit aamma pigisat tunngaasigut siunnersortissaliineq pillugu suliasat, tak. § 54, nr. 4, ataataarsuisarnerit, tak. § 54, nr. 5, aappariinnermik aamma angajoqqaatut oqartussaassuseqarnermik suliat, tak. § 54, nr. 6, uppernarsaasiinerit pillugit suliasat, tak. § 54, nr. 11, aamma imarsiornermut tunngasunik nassuiaanerit, tak. § 54, nr. 12, inatsisit malillugit suliasat Kalaallit Nunaanni Eqqartuussivimmi siullermeeriffiusumik suliarineqartussanngortinneqarsimanngitsut.”

8. § 57-imi imm. 1 sioqqullugu imm. nutaatut ilanngunneqassaaq:

“Kalaallit Nunaanni Eqqartuussiviup suliassarai inatsisit inuinnarnut tunngasut siullermeeriffiusumik suliassanngortinneqarsimasut, tak. § 54, nr. 1, allaffissornikkut aalajangikkamik kiffaanngissusiiagaanerup misilinneqarnissaanik suliat, tak. § 54, nr. 7, akuersiseqqaarnertaqanngitsunik qitornavissianngortitsinerup misilinneqarnissaanik suliat, tak. § 54, nr. 8, inerteqquteqartarneq, tigussaasuunngitsunik piginnaatitaaffiit innarlerneqarneranni uppersaatissaqartitsineq, parnaarussaaneq, pinngitsaaliissummik tuniniaanerit aamma akiliisitsiniartarnerit misilinneqarnissaanik suliat, tak. § 54, nr. 9, nalunaarsuisarneq (najukkami eqqartuussivimmi aalajangiisitsineq), tak. § 54, nr. 10, eqqartuussisarnerup avataatigut, Naalagaaffiullu Sinniisua pisinnaatinnagu, misissuisartussanik naliliisartussanillu nalunaarutiginnittarneq, tak. § 54, nr. 13, suliamut ingerlanneqartumut atugassaanngitsunik uppersaatitnik ilanngussisarneq, tak. § 54, nr. 14, aamma suliat allat inatsisit malillugit eqqartuussivinnut suliassatut innersuuussutaasut, tak. § 54, nr. 15.”

Tamatuma kingorna imm. 1 aamma 2, imm. 2 aamma 3-nngorput.

9. § 57, *imm. 1-imi* imm. 2-nngortumi, “suliarinnittartup” kingorna ilanngunneqassaaq: “tamatumani saniatigut”.

10. *Kapitali 22* atorunnaarsinneqarpoq.

11. § 292, *imm. 3-mi* “eqqartuussivimmut pineqartup najugaqarfigisaaniittumut” imaalillugu allanngortinneqassaaq: “Kalaallit Nunaanni Eqqartuussivimmut.”

12. § 293, *imm. 2 aamma §296, imm. 2 aamma 3-mi* “Eqqartuussisoq” imaalillugu “Eqqartuussivik.”

13. § 295, *imm. 3, oqaaseqatigiit aappaanni aamma § 297, oqaaseqatigiit siullianni* “eqqartuussisoq” imaalillugu allanngortinneqassaaq: “eqqartuussivik”.

14. § 747, *imm. 1-imi* “maannamut” imaalillugu allanngortinneqassaaq: “siusinnerusukkut”. Aamma “2016” imaalillugu allanngortinneqassaaq: “2018”

§ 2

Imm. 1. Inatsit una atuutilersinneqarpoq ulloq 1. juli 2014.

Imm. 2. Inatsimmi § 1, nr. 7-13 atorneqassanngilaq sulianut inatsisip atuutilersinnginnerani najukkami eqqartuussivimmut suliassanngortitani najukkanilu eqqartuussivimmut suliassanngortinneqareersimasuni. Sulianut taamaattunut tunngatillugu malittarisassat maannamut atuuttut malinneqassapput.

Christiansborg Slotimi tunniunneqarpoq, ulloq 25. juni 2014

Kunngitut Atsiorpugut Naqissusiillutalu

MARGRETHE R.

/ Karen Hækkerup